

KERATAN AKHBAR

TARIKH : 23 DISEMBER 2022
AKHBAR : HARIAN METRO
MUKA SURAT : 34

Petronas, PAC catat 10 penemuan hidrokarbon di Malaysia

Petronas, PAC catat 10 penemuan hidrokarbon di Malaysia

Kuala Lumpur: Petrolim Nasional Bhd (Petronas) dan kontraktor pengatur petroleum (PAC) mencatat sebanyak 10 penemuan hidrokarbon di Malaysia pada 2022 berikutan peningkatan aktiviti cari gali di seluruh negara.

Lapan penemuan minyak dan gas dibuat di luar persisir Sarawak dan masing-masing satu di luar persisir Sabah dan Semenanjung Malaysia, kata syarikat itu dalam kenyataan semalam.

Penemuan minyak terbe-

sar telah dibuat oleh Petronas Carigali di telaga Nahara-1 di Blok SK306 dalam wilayah Balingia, Sarawak.

Selain itu, penemuan juga dibuat di wilayah Luconia Tengah, Luconia Barat dan Baram Sarawak, yang merupakan antara lembangan paling prolifik di Malaysia dan menempatkan banyak medan gas di Malaysia, kata Petronas.

Di wilayah Central Luconia pula, Shell mencatatkan

penemuan di telaga Inai-1 dan Temu-1 di Blok MLNG manakala Mubadala Energy menemui lebih banyak gas di Blok SK320 di telaga Cengkih-1.

Di wilayah Luconia Barat, ConocoPhillips menggerudi tiga telaga penerokaan di Blok WL4-00 dan menemui gas di telaga Gagau-1 manakala telaga Salam-3 dan Benum-2

mengesahkan kerjasama pengumpulan minyak dan

gas dilanjutkan di blok bersebelahan.

Di samping itu, di wilayah Baram yang telah membangun, PTTEP membuat satu lagi penemuan gas di Blok SK410B melalui telaga Paprika-1, di mana Lang Lebah juga ditemui pada 2019.

Di perairan ultra dalam Sabah, TotalEnergies membuat penemuan minyak dan gas di telaga Tepat-2 di Blok N dalam wilayah Sabah Trough yang sedang berkembang seterusnya membuktikan ia adalah lanjutan

kepada penemuan minyak dan gas terdahulu, Tepat-1 pada 2018.

Di luar pantai Semenanjung Malaysia, Hess menemui takungan gas baharu di telaga Bergading Deep-4 di Blok PM302 di North Malay Basin.

Naib Presiden Kanan Pengurusan Petroleum Malaysia (MPM) Petronas, Mohamed Firouz Asnan berkata tahun 2022 merupakan tahun yang baik untuk penerokaan di Malaysia.

"Saya gembira dengan peningkatan aktiviti penero-

kaan di mana 16 telaga telah siap dengan dua lagi sedang berjalan, menggandakan angka dicatatkan pada 2021," katanya dalam satu kenyataan.

Sementara itu, Pengurus Besar Kanan Penerokaan Sumber MPM, Azmir Zamri berkata set data pelbagai pelanggan MPM yang luas meliputi kawasan baru yang membangun dan kawasan sempadan akan terus menjadi perkara penting dalam mempercepatkan masa untuk kerja-kerja penggerudian.

Penemuan minyak terbesar di telaga Nahara-1 di Blok SK306